

長垣縣志卷十五

金石錄

古人金石文字用以垂示久遠備前史之闕遺其功誠不淺矣然時代遷移風雨剝蝕求其不湮泐者幾何往往於山巔水渙古祠破壁間得斷刻殘碑以辨別年月千支考核姓名官闕誠史部之羽翼也志家每忽略不存坐使古碑湮廢良可哀已茲作書記之餘搜羅金石以補志文之闕長垣碑刻無多鐘鼎更絕無所有非能列古今若宋歐陽永叔趙明誠田槩諸錄之勒成一書也詳志之聊以備後人采錄云爾

關龍逢祠篆石

忠肝

三十字篆書無年月今在南關雙忠祠神座前碑石中

三十字篆書長三尺寬一尺四寸字徑六寸

忠雙忠祠神座前碑方石篆曰一片忠肝明時龍相

人端地所得遒勁蒼古石光可鑑不知何代物也

二年造佛像記

魏興和二年歲次庚申佛弟子程榮以去天平二年

大害霜五穀不熟天下人民饑死者眾榮見此書

願死者生天生者飽滿奴婢者解脫後願龍王

五世皇帝聖恩弘敷

石碑在城南十里蓮子墓祠後高一尺二寸寬六寸
石座高三寸二分寬七寸碑面勒佛像三碑陰字經五
分正書凡八行每行十字善福二字刻於石旁又小字
三行云施石主程昌黎色子程子高同色子程崇同造
一十八字色字當是邑字之變字畫完好土人云明末
移置於此

大畱寺造佛像記

大魏興和四年歲次壬戌十一月五日大吳村合邑一百
人等敬造石像一軀夫亶津口幽圻淵崇自非洞識眞
假明鑒生滅焉能開心口像以悟修立者哉然佛弟子口
義一百人等雖質靡塵俗而端栖霄口口口悟空寂口

口口寶率異口口口天口口口口石口口口口獲常
樂口口口匠口口口口口口口口狀口口也上口口口
口口口口口口地口口口口口口口口澄口口口
圻爲口口口口口口口口口口口口口口口口口
口口口口口口慈氏口口口

右碑在城東南二十五里黃門里作村大雷寺正書字
徑五分碑高四尺三寸寬二尺厚四寸碑面勒佛像碑
陰上層刻佛像左邊小字二行云二佛菩薩光明二主
吳零起妻時桂妻右邊小字一行云光明主吳法顯中
層刻記文共二十七行字半漫滅不可辨識下層刻比
上靜願等邑子吳道會等奉力爲明人磨泐別刻記文

其文俚俗故不載碑左側四層上層刻佛像三二層刻
神像光明主吳口德三層刻菩薩主郭姜仁四層刻菩
薩主王善右側四層上層刻佛像三二層刻像主尚敬
賓三層刻像主吳口四層刻像主吳顯口

唐

匡城縣業修寺碑

郡守遠疋大唐靈昌郡匡城縣業修寺果園莊之詞并序

鄉貢進士段迥撰詞

縣令李瑗

施主王元亮 處士臨

承佑書

粵至高者天也朗然懸七政之輝至廣者地也冥然澄百
川之氣雖則蕩雲沃日寧浮夜壑之舟合璧連珠未照無

明之域豈若一人感夢畫像南宮入脫洪源傳經西土變
靈威而救苦海散法雨以濟衆山啟方便之門則三塗並
軌開有緣之路則七戒居心思玄無測其淺深博物莫知
其近遠不生不滅其惟釋氏乎此果園者寺主希口都
師靈光奉爲天皇天后以率上蒼生之所立也諸色人等
之供修焉法師夙達玄風雅通妙覺察古今休咎聽浮圖
之鈴躡寥廓高卑飛德真之錫將以登天遊霧豈徒鳴磬
焚香而已哉邑人成公勝定趙乾楊藥師並濟北名家山
東英妙挺含章之秀氣萬言馳聲振夏日之嚴威百代垂
譽長嘯之后惟若嗣音故能疏煩想於心曾瑩虔誠以恭
敬悟色空之合跡知內外之異門欲碎斜山先輝法刃冀

落塵網願觸惠風於是測景瞻星共崇梵宇萬楹藂像緣
雲上口百丈孤標通天秀出飛梁偃口拖太虛之彩虹疏
網參差挂高樓之新月金暉象駕色亂丹霞玉映鶴林光
搖碧雪如吟仙鐸似聞觀世之音人步香階如到聰尼之
國爾乃春亭東指版築猶存幽郭西瞻絃歌如在前口橫
海口乏葉舟後望大河遙分竹箭平原垧北嘉樹扶疏桃
李茂盛每垂秋實松竹夾道不變春榮所謂堪智惠之鐵
團得曹衛之寶勢于時天寶八載歲次己丑四月乙未朔
十日甲辰迴樂室清濟地接祇園持法丹經心希妙理拾
百氏之芳潤美大釋之形容其詞曰粵若大雄赫然而見
旣號普賢仍爲正遍馬寺東營鶴林西變道引佛口門開

方便其一 尊容儼雅大廈宏敞寶閣萬重星樓千丈鴈
塔斜飛鵬檐直上日月爲光滴瀝成響其二 嶽歟妙覺
彼口先知眞情有趣法體無爲不可口議豈得心非其三
東拱春亭西鄰匡郭朶散青蓮花開紅藥慈雲布而龍
興甘露墜而珠落不生不泯惟口惟口其四

右碑正書在縣東四十五里小蓋村業修寺今名壽聖
寺碑高三尺八寸寬二尺二寸字徑五分無大剝損僅
闕數字碑首郡守遠在至段迫撰詞爲一行下有縣令
李瑗四字較小第二行施主書寫姓名惟首行郡守遠
在四字不可解文內稱天皇天后者攷唐高宗本紀上
元元年八月壬辰皇帝稱天皇皇后稱天后此碑立於

天寶八載寺當爲高宗則天時所建故有是稱耳

匡城碑

右碑在司家坡東元帝廟門外高四尺九寸寬二尺二寸匡城二大字正書徑一尺六寸

案舊志云明正德十二年土人掘地得石有匡城二字無年月攷隋唐時匡城縣治今之司家坡梁復曰長垣後唐復曰匡城則此碑當是唐時所書矣旁爲明知縣張治道刻正德年月并己銜名不將土人掘地所得叙明殊可憾也

宋

機城石碣

機城今名也隋唐傳爲機州之故城在春秋原爲遷里正屬通衢大邑逼接衛都卽今滑州是爲文公故徙楚丘地下連儀封卽封人請見處少稱去衛適陳又云去卽過蒲月餘復返乎衛主遷伯玉家蓋此與學岡同爲孔子往來駐蹟之處又考孔子在衛靈公致粟六萬其時從遊甚衆而獨與顏淵季路言志正此地也舊有古廟內塑聖賢三像茲加重修謹刻石以志不朽大宋乾德元年重建

石石碣在海渠村後機城寺康熙六十一年三月於寺前古井中淘得此碣乾隆元年副榜李文敷等於寺後立廟並勒石詳載得石碣事所云隋唐傳爲機州之故城案各地地理書皆無此說存以備考

婦姑祠詩刻

刻石高二尺四寸寬六尺二寸明正德乙亥知縣張治
道得於司家坡之南今在南關婦姑祠張跋附後

羣公詩并墨跡

首行正書

曉日都門路春風古寺樓歸心與吟意自愛且遲留 景

德式年春因提點與 侍其崇班樂安知縣同登直史館

陳堯佐書

右隸書五行詩字三行徑二寸五分款字二行徑一寸

五分

留題婦姑廟 李迪述

寂寞寒雲蔽古祠婦姑遺跡最堪思一般英烈賢名異千載芳聲孝行奇靜想全身輕慙女邦應灑淚笑虞姬至今猶賴敦風教銷得清詞爲作碑

登經閣

高平范諷字補之題

一雨初晴萬象新綠蕪紅樹靜無塵樓高地迥出天半刺見河陽十里春

夫觀國風而不知諷與無觀同覽雅而不知政與無覽同聽頌而不知美與無聽同故君子觀風以知諷覽雅以知政聽頌以知美達此三者則可與言詩矣聖宋相國李公布衣時嘗遊是邑題婦姑廟太尉陳公洎待制范公登寺樓皆畱雅什此三公之詩者可謂美教化明風俗題乎

粉壁久歷歲華筆字漫滅因政之暇命工勒于翠珉用記
盛事不廢粹美自凝嘉績俾令嗣者以享字號而不泯矣
時至和元年十月五日贊善大夫知開封府長垣縣錢方
序并立石

以上正書共十九行字徑一寸

婦姑不知爲誰亦不知何時人舊有廟在婦姑城城廢亦
從而毀民間只傳其名正德乙亥余承乏來適得此石於
司家坡之南見上有題婦姑詩乃知婦姑者爲節孝婦人
也仍復欲爲祠城南有僧尼院官宇闕恤是爲祠所迺遂
口其佛設像於內而祠之卽今祠也後有慕而繼之者當
附諸左右以厲風教云正德丁丑賜進士第文林郎知長

垣縣事關中張治道題

右小行草跋於碑末

案太平寰宇記隋於婦姑城置匡城縣明舊志縣西南
司家坡卽故匡城金遷縣於柳冢村城遂廢是故匡城
卽婦姑城歷隋唐宋不改當時有婦姑廟也
彌陀像石碣題字

景德六年癸丑奇祥寺僧元朗建塔並刻像孫奭有跋在
婦姑村

右石碣在城東南十五里魏村里楊橋奇祥寺殿內如
來佛後壁高二尺九寸五分寬二尺勒彌勒佛像題字
在佛像右偏隸書字徑一寸所云孫奭跋在婦姑村今

佚左偏有明正德間題字不具錄

白塔寺石幢

維東京開封府長垣縣白塔寺住持祖纂寶元二年閏十
二月丁亥朔四日庚寅之辰維口頭鄧方口合村主客口
共備香爐一座古口以剝濟之因虔心重佛口捨分已之
財得獲當來之會今則香爐已備咸口眾意周圓伏願
皇王萬歲臣口千秋文武百僚常居祿位更希上答賀于
諸口賢聖然乃合村主客願老者如山岳不動少者似海
水不傾口虛空面前表白謹疏 都維那頭鄧方副維口
張口爲合村共備香爐安于當村學堂內永爲供養

右石幢在縣東北十五里鄧岡里呂村小白塔寺幢高

一尺九寸方八面六面刻佛經人名磨泐不可辨識其
二面刻字卽以上維東京開封府至供養云云行書字
徑五分又一面有宋景祐四年閏四月造九字案景祐
寶元俱宋仁宗年號景祐四年丁丑明年戊寅改元寶
元幢字當是前後刊刻

版三 聖廟石刻

版三 一鎮古衛名地舊有 聖廟勒石以志考稽本鎮魯

衛通衢東有曲阜西至洙淇南接儀封北近蘧里 孔子

適衛本鎮恒歷自此反魯留名古跡 至聖停驂封人欣

遇一見卜興感德信理木鐸嘉贈千秋表著存神過祀

祀有日勒石銘志以俟後知凡有同心庶思振興

誠萬善歸一 後學仰彌高敬著 景東魯端書 本鎮

士民文曰振等公立 淳熙丁未季冬望日吉旦

右石刻在版邱集 聖廟門東高一尺三寸寬二尺一寸正書字徑七分案淳熙爲宋孝宗年號丁未乃改元淳熙之十四年也是時宋畫淮爲界此地應屬金乃石刻猶用宋年號存此備考

金

杏壇石刻

右石刻在城北學堂岡高五尺五寸寬二尺三寸杏壇二大字徑一尺六寸款云承安戊午五十一世孫元摺立石門生覺懷英書俱篆書後刻正書一行云萬歷三